

# **Visoki predstavnik uspostavio jedinstveno regulatorno tijelo za komunikacije u Bosni i Hercegovini**

Visoki predstavnik, Wolfgang Petritsch, objavio je danas Odluku kojom se uspostavlja jedinstveno regulatorno tijelo za sektor komunikacija u Bosni i Hercegovini i koji se spajaju regulatorne nadleznosti za sektor telekomunikacija, trenutno pod Regulatornom agencijom za telekomunikacije (TRA), sa nadleznostima za emitovanje programa, trenutno pod Nezavisnom komisijom za medije (IMC).

Jedinstvena Regulatorna agencija za komunikacije (CRA) je nezaviso tijelo na državnom nivou koje će objediniti iskustvo i znanje Regulatorne agencije za telekomunikacije i Nezavisne komisije za medije. Ovo će dovesti do smanjenja troskova, boljeg definiranja regulatornih pitanja, ali i poboljsanja efikasnosti od koje će koristi imati i stanovništvo i sektor.

Udruzivanje tehnologije i metoda prijenosa radio-komunikacija, emitovanja programa i telekomunikacija jeste trenutni trend u svijetu. Ostale evropske zemlje već su počele baviti rjesavanjem ovoga pitanja i to putem uspostavljanja jedinstvenog regulatornog tijela. Najsvježiji primjer djelovanja u tom smjeru daje nam Velika Britanija.

Regulatorna agencija za komunikacije (CRA) će nastaviti rad koji trenutno obavljaju IMC i TRA. Na primjer, izdavanje dugoročnih dozvola za emitovanje nastaviti će se kako je planirano.

Visoki predstavnik imenovao je gospodina Jerkera Torngrena za generalnog direktora nove organizacije. Gospodin Torngren ima

bogato iskustvo u regulatornoj problematici koje je stekao radeci u evropskoj telekomunikacijskoj industriji zemalja Centralne i Istočne Evrope, kao i Evropske unije. Gospodin Torngren se osobito bavio reformom sektora telekomunikacija polje na kome je utjecaj medjusobnog priblizavanja emitovanja programa i telekomunikacija vise nego ocigledan. Gospodin Torngren će rukovoditi radom Regulatorne Agencije za komunikacije (CRA), a izvjestaje o tom radu podnosice Vijetu Regulatorne agencije ciji su članovi istaknuti djelatnici iz tog sektora i bosanskohercegovackog drustva u cjelini.

Pomenuta Odluka predstavlja znacajan korak naprijed na putu uspostavljanja tržisno orijentiranog sektora komunikacija u Bosni i Hercegovini. Odluka u isto vrijeme predstavlja odgovor na Deklaraciju Vijeca za implementaciju mira, donesenu 24. maja 2000. godine u Brusselu, kojom se bosanskohercegovacke vlasti pozivaju na poduzimanje aktivnosti u smislu povecanja efikasnosti i ekonomije obima putem sveobuhvatnog pristupa na brojnim poljima, uključujući i sektor telekomunikacija.

Reforma sistema telekomunikacija predstavlja osnov za održivost toga sektora, smanjenje cijena i poboljšanje kvaliteta usluga za sve gradjane u Bosni i Hercegovini, koji trenutno placaju tarifu telekomunikacionih usluga koja je jedna od najviših u Evropi.

Visoki predstavnik objavio je pomenutu Odluku na osnovu ovlasti koje su mu date članom 5 Aneksa 10 Daytonskog mirovnog sporazuma i Deklaracijom Vijeca za implementaciju mira donesenom 10. decembra 1997. godine u Bonnu.